



## Headlines

- राष्ट्र अज्ज 79मां स्वतंत्रता दिवस मना रदा ऐ। प्रधानमंत्री नरेन्द्र मोदी होरें ऐतिहासिक लाल किले पर तिरंगा फहराया ते राष्ट्र गी सम्बोधित कीता। उनें आक्खेया जे स्वतंत्रता दिवस 140 करोड़ भारतवासियें दे संकल्प दा उत्सव ऐ।
- राष्ट्रपति होरें आक्खेया ऐ जे भारत 2047 तककर विकसित राष्ट्र बनी जाने दी बता पर अगड़ा बदा रदा ऐ। राष्ट्रपति होरें पहलगाम आतंकवादी हमले गी कायरतापूर्ण ते मनुक्खता विरोधी दस्सेया।
- किश्तवाड़ जिले दे पाडर इलाके च बदल फटने करी होए दे हादसे च 45 लोकें दे मारे जाने दी खबर ऐ। 120 शा मते लोकें गी बचाई लेता गया ऐ।
- ते उपराज्यपाल मनोज सिन्हा होरें 79में स्वतंत्रता दिवस पर सारें गी शुभकामनां दितियां न। उनें देश दी स्वतंत्रता आस्तै बलिदान देने आले स्वतंत्रता सेनानियें गी श्रद्धांजलि भेंट कीती।



## PM -Independence Day

राष्ट्र अज्ज 79मां स्वतंत्रता दिवस मना रदा ऐ। प्रधानमंत्री नरेन्द्र मोदी होरें देश दी राजधानी च ऐतिहासिक लाल किले दे कोटै परां तिरंगा झंडा चाड़ेया ते राष्ट्र गी सम्बोधित कीता। अपने

सम्बोधन च प्रधानमंत्री होरें आपरेशन सिंदूर च शामिल वीर जवानें गी नमन कीता ते आक्खेया जे आपरेशन सिंदूर देश दे सशस्त्र बलें दी वीरता ते स्टीकता दा इक शक्तिशाली नमूना हा। उनें आक्खेया जे सरकारें आपरेशन सिंदूर दौरान रक्षाबलें गी खुली छूट दिती दी ही जे लक्ष्य पर हमला करने ते हमले दा समें तय करने दा फैसला ओ आपू लेई सकन।

प्रधानमंत्री होरें आक्खेया जे पैहलगाम आतंकी हमले पर हर इक भारतवासी दे मन्नै च गुस्सा हा ते आपरेशन सिंदूर ओदा परिणाम हा। उनें आक्खेया जे भारत नै फैसला करी लैता ऐ जे खून ते पानी, किट्ठे नैई बगी सकदे। प्रधानमंत्री होरें आक्खेया जे देश दे लोक समझी चुके दे न जे सिंधू जल संधि साडे देश कन्नै इक धोखा हा। उनें आक्खेया जे भारत हून परमाणु ब्लैकमेल गी बर्दाश्त नैई करोग। प्रधानमंत्री होरें आक्खेया पिच्छले किश दिनें च अस प्राकृतिक आपदाएं पस्सी पौने, बददल फटने ते दुई त्रासदियें दा शिकार होए हा। साढी सात्वंना प्रभावित लोकें कन्नै न। राज्य ते केन्द्र सरकारां किट्ठे रलियै पूरी शक्ति ते समर्पण कन्नै बचाव अभियान, राहत कम्में ते पुनर्वास कोशिशें च लगगी दियां न

प्रधानमंत्री नरेन्द्र मोदी होरें आक्खेया जे जिस्सलै अस तकनीक दे बक्ख-बक्ख पहलुएं बारे गल्ल करने आं, मै तुन्दा ध्यान सैमिकंडक्टर बक्खी आनना आं.

प्रधानमंत्री होरें आक्खेया ग्लोबल वार्मिंग यानि वैश्विक स्तर पर तापमान दा बदना पूरी दुनिया आस्तै चिंता दा विषय ऐ ते भारत साफ-सुथरी ऊर्जा दे इस्तेमाल बक्खी बदा रदा ऐ। मोदी होरें आक्खेया .

प्रधानमंत्री होरें जोड़ेया जे इस दिवाली, ओ सारें आस्तै दिवाली दा मजा दोगुना करने जा रदे न। पिच्छले 8 बरे च सरकार नै GST च बड़डा सुधार आन्दा ऐ। सरकार GST च Next Generation स्तर दा सुधार लेयार रदी ऐ। एदे कन्नै पूरे देश च टैक्स दा भार घटी जाग। प्रधानमंत्री होरें आक्खेया.

<><><><><><>

President Murmu

राष्ट्रपति द्रौपदी मुरमु होरें आक्खेया ऐ जे 2047 तोड़ी विकसित अर्थव्यवस्था बनने आली बता पर भारत अगगे बदा रदा ऐ। 79में स्वतंत्रता ध्याड़े दे मौके देश गी अपने सम्बोधन च राष्ट्रपति होरें चबक्खे आर्थिक विकास गी, भारत गी दृढ़ता देने आस्तै, कारण दस्सेया, जेड़ा के समाजी स्तर पर किती गेदी खरी पैहलें कन्नै सम्भव होआ रदा ऐ। उनें आक्खेया जे देश अमृत-काल दे दौरान अगड़ा बदा रदा ऐ ते हर इक देशवासी अपनी क्षमता साहबै योगदान देया रदा ऐ। राष्ट्रपति होरें भरोसा जताया जे नौजवान, महिलां ते पिच्छड़े समुदाय, विकसित भारत दे नेतृत्व करगंन। उनें पहलगाम आतंकी हमले गी बुजदिलाना ते अमानवीय हरकत आक्खेया, जेदे च केई बेकसूर लोक मारे गए हे। राष्ट्रपति होरें आक्खेया भारत ने निर्णायक तरीके प्रतिक्रिया दिती ते आप्रेशन सिंदूर दे जरिए ए दस्सी दिता जे देश दे सशस्त्र बल कुसा बी चुनौती, माड़े हालात कन्नै निबड़ने लेई तयार न। राष्ट्रपति होरें बन्ने पार दे आतंकी ठिकानें, रणनीतिक पारदर्शिता ते तकनीकी क्षमता कन्नै नष्ट करने आस्तै सशस्त्र बलें दी प्रशंसा किती। उनें लौ पाई जे भारत दुनिया दी बड़डी अर्थव्यवस्था दे बश्कार तेजी कन्नै अगगे बदा रदा ऐ ते पिच्छले बरे सकल घरेलू उत्पाद विकास दर 6.5 प्रतिशत ही। मुरमू होरें आक्खेया वैश्विक अर्थव्यवस्था पर

दबाव दे बावजूद, घरेलू मंग बदा रदी ऐ। महंगाई काबू च ऐ ते निर्यात च बी बाददा होआ रदा ऐ। भारत-माला परियोजना दे तैहत राष्ट्र जरनैली सिडकें दे नेटवर्क फैला रदा ऐ ते मजबूत होआ रदा ऐ। राष्ट्रपति होरें जोड़ेया जे रेलवे च बी विकास दर्ज कीता गया ऐ, नमियां रेलगड्डियां सेवां च लाइयां गइयां न ते यात्री कोच नमीं तकनीक कन्नै त्यार किते गे न। कश्मीर घाटी च रेल सम्पर्क दा शुभारम्भ इक बड्डी उपलब्धी ऐ। सेहत सेवा क्षेत्र च बी केंई लोक कल्याण मुहिमें जरिये लोकें गी बेहतर सेवा दितियां जा रदियां न। आयुष्मान भारत स्कीम तैहत 55 करोड़ थमां मते लोकें गी सेहत सरबन्धी सेवां उपलब्ध होइयां न।

<><><><><><>

#### Kishtwar Landslide

किश्तवाड़ जिले दी पाडर सब-डिविजन दे इक दूर-दरेडे पहाड़ी ग्रां चिशोती च कल बददल फटने करी चानचक्क आए दे हाड़ च 45 लोकें दे मारे जाने दी खबर ऐ, जिन्दे च 2 CISF कर्मी ते मते सारे मचेल माता यात्रा पर आए दे श्रद्धालू शामिल हे। आकाशवाणी संवाददाता मूजब इक सौ कोला मते लोकें गी बचाया गया ऐ, पर इंदे चा 38एं दी हालत गंभीर ऐ। केंई लोक अजें लापता न। हादसे आली थाहर SDRF, पुलिस, सेना ते मुकामी लोकें आसेया राहत सहायता अभियान चलाया गेदा ऐ। अधिकारियें NDRF दियां 2 टीमां राहत सहायता आस्तै भेजियां न। चिशोती ग्रां च कल दपैहरी 12 बजियै 25 मिनट पर ए हादसा होआ, जेदे च केंई रिहायशी मकान, 6 सरकारी ईमारतां, 3 मंदिर, 4 घराट, 2 शैड ते 30 मीटर लम्मा इक पुल हाड़ दी चपेड़ च आई गया। इक दर्जन शा मती गड्डियें गी नुक्सान पुज्जा ऐ। केंई बिजली दे खम्बे पटोई जाने करी इलाके च बिजली दी सप्लाई प्रभावित होई दी ऐ। घटना आली थाहरा पर

सलाना मचेल माता यात्रा लेई, मती गिनतरी च श्रद्धालू किट्ठे होए दे हे। ए यात्रा 25 जुलाई थमां शुरु होइयै 5 सितम्बर तककर चलदी ऐ।

राष्ट्रपति द्रौपदी मुरमू, प्रधानमंत्री नरेन्द्र मोदी, गृह मंत्री अमित शाह, केन्द्रीय मंत्री जितेन्द्र सिंह, उपराज्यपाल मनोज सिन्हा, मुख्ममंत्री उमर अब्दुल्ला, साबका मुख्ममंत्री गुलाम नबी आजाद ते केई होरनें नेताएं इस हादसे उप्पर दुख ते अफसोस प्रगट कीता ऐ। इलाके च राहत अभियान जोरे-शोरें कन्ने जारी न। सिविल प्रशासन, पुलिस, सेना, NDRF ते SDRF दे अधिकारी राहत कम्में च लग्गे दे न। हादसे करी यात्रा गी रोकेया गेदा ऐ। सेहत विभाग नै प्रभावित लोकें गी लोडचदी मैडिकल सेवा पजाने लेई केई उपा कीते न। PGIMER चंडीगढ़ आसेया माहिर डाक्टरें दी इक टीम GMC जम्मू भेजी गई ऐ तां जे गंभीर तौर पर जख्मियें दा इलाज होई सकै।

<><><><><><>

Har Ghar Tiranga

राजोरी जिले च “हर घर तिरंगा अभियान” च 17 हजार शा मते नागरिकें, दंडु तिरंगा रैलियें च शिरकत कीती। नौशैहरा च हर तिरंगा अभियान तेहत 2 किलोमीटर लम्मा मार्च कड्डेया गया, जेदे च 10 हजार शा मते नागरिकें हत्थे च तिरंगे लेइयै हिस्सा लैता। राजोरी कस्बे च कड्डी गेदी तिरंगा रैली च 7 हजार लोकें हिस्सा लैता ते DIG तेजिन्द्र सिंह, डिप्टी कमीशनर अभिषेक शर्मा ते SSP गौरव सिकरवार होरें रैली दी अध्यक्षता कीती। रैली TRC थमां शुरु होइयै धनीधार किले च जाइयै सम्पन्न होई। नियंत्रण रेखा कन्ने लग्गने आले राजोरी जिले च हर घर तिरंगा अभियान च लोक बडे उत्साह कन्ने शामिल होआ रदे न।

## LG Greeting

उपराज्यपाल श्री मनोज सिन्हा होंरें जम्मू-कश्मीर दे लोकें गी 79में स्वतंत्रता दिवस दे मौके शुभकामनां दितियां न। इक सनेय च उपराज्यपाल होंरें लिक्खेया.....79में स्वतंत्रता ध्याड़े दे शुभ मौके पर मै सारें गी दिल्ली बधाई दिन्ना आं। इस दिन अस अपने तिरंगे गी सलाम करने आं ते आसमान च इसी उच्चे लहरान्दा दिक्खियै फख्र महसूस करने आं। स्वतंत्रता सेनानी ते राष्ट्र निर्माताएं गी श्रद्धांजलि भेंट करने च मै हर बसनीक दे कन्नै आं, जिन्दे बलिदानें करि अस्स आजाद भारत दा सुखना पूरा करी सके। इस मौके “आओ अस्स सारे रलियै शहीदें गी चेता करचे”। उन्दे बलिदान ते शहादत दी याद हमेशा गै साढ़े दिले च रौहग। उपराज्यपाल होंरें आक्खेया जे उनें किशतवाड़ दे चशोती थाहर पर बददल फटने करी जान मुआने आले लोकें दे परिवारें दे दुख दा एहसास ऐ। उनें इस त्रासदी पर गहरा दुख जताया ते दुखी परिवारें दे प्रति सांत्वना प्रकट किती। उनें आक्खेया जे हालात पर काबू पाने आस्तै पूरा सरकारी तंत्र कम्मे च लग्गे दा ऐ ते प्रभावित परिवारें गी हर संभव सहायता प्रदान करने दी कोशिशं जारी न। उनें आक्खेया जे आजादी थमां 79 सालें दा सफर तय करने मगरा ओ वक्त आई गया ऐ जे हर इक आत्मनिरिक्षण कदे गै अज्जे तोड़ी के हासल किता गया ते आने आले वक्त च के किन्ना जाग। उम्मीद थमां मता आर्थिक विकास दा लाह समाज दे हर तबके तोड़ी पुज्जा रदा ऐ। शहरें ते ग्राएं च लोकें दे जीन गी सखल्ला बनाया गया ऐ। महिलायें, नौजवानें ते करसानें गी सशक्त किता जा रदा ऐ। पूरी दुनिया जम्मू-कश्मीर दा नमां रुप दिक्खा रदी ऐ ते लोकें दी भागीदारी कन्नै सरकार शांतिपूर्ण ते सुनैहरे जम्मू-कश्मीर दा निर्माण करोग।

उपराज्यपाल होरें सारें गी आक्खेया जे ओ मॉडे कन्नै मॉडा रलाइयै कम्म करन ते विकसित  
भारत निर्माण आस्तै अपनी वचनबद्धात दोहरान। उनें अखीर च परतियै सारें गी स्वतंत्रता  
दिवस दी मुबारकबाद दिती।

<><><><><><>